



---

Vogošća, ul. Jošanička, br. 80; tel: 00387 33 586 413, fax: 586 418

Broj: 03-36-654/21  
Vogošća, 18.05.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 18.05.2021. godine donio je

**ODLUKU  
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE  
GLAVNOG PROJEKTA IZGRADNJE OTVORENOG SPORTSKOG TERENA I DJEČIJEG  
IGRALIŠTA U VOGOŠĆI-ULICA AHMEDA RIZVE**

**Član 1.**

Ponuda ponuđača "Geoput" d.o.o. Banja Luka, ulica Kralja Nikole broj 13. Banja Luka, odabrana je pružanje usluge izrade Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, kao prvoplasirana na Rang listi, sa ponuđenom ukupnom cijenom nabavke u iznosu od 2.730,00 KM bez uračunatog PDV-a, odnosno 3.194,10 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 22.04.2021. godine donio Odluku o pokretanju Otvorenog postupka nabavke usluge izrade Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.04.2021. godine pod brojem: 1353-1-2-52-3-53/21.

Sažetak Obavještenja o nabavci objavljen je u "Službenom glasniku BiH" broj: 27/21 od 30.04.2021. godine.

Tendersku dokumentaciju sa Portala javnih nabavki BiH je preuzelo 28 (dvadeset i osam) ponuđača.

Krajnji rok za dostavu ponuda bio je 07.05.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.05.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-654/21 iz aprila 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"FM inženjering" d.o.o. Sarajevo	3.928,00	/	/	4.595,76
2	"Radis" d.o.o. Istočno Sarajevo	2.990,00	/	/	3.498,30
3	"RMK engineering" d.o.o Sarajevo	3.000,00	/	/	3.510,00
4	"Geoput" d.o.o Banja Luka	2.730,00	/	/	3.194,10
5	"Studio dva" d.o.o. Sarajevo	1.920,00	/	/	2.246,40

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "FM inženjering" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
  - Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponuda.

Ponuđač "FM inženjering" d.o.o. Sarajevo nije dostavio ponudu na naprijed propisani način, tj. dostavljena ponuda je uvezana spiralno, što ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama i članom 8. stav 2. Uputstva za pripremu modela tenderske dokumentacije i ponuda, iz razloga što se pod čvrstim uvezom podrazumjeva ponuda ukoričena u knjigu ili ponuda osigurana jamstvenikom.

Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar u Rješenju broj: JN2-03-07-1-929-8/19 od 23.05.2019. godine.

O naprijed navedenom je također stav zauzeo i Sud Bosne i Hercegovine u Presudi broj: S1 3 U 021191 16 U od 08.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Studio dva" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 50. Zakona zahtjevane su obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikacija lica koja su odgovorna za pružanje konkretnih usluga i to da ponuđači imaju na raspolaganju 1 (jedno) lice VSS VII stepen-dipl ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke, sa položenim stručnim ispitom i 5 (pet) godina radnog iskustva.

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze i to Diplomom o završenoj VSS i Uvjerenje o položenom stručnom ispitu za jednog dipl ing. arhitekture (VII stepen) i dokaz o radnom iskustvu i radnom angažmanu, odnosno Diplomom i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) arhitektonske struke i dokaz o radnom iskustvu i radnom angažmanu.

Ponuđač "Studio dva" d.o.o. Sarajevo je u svojoj Ponudi (strana 15.-16. Ponude) kao dokaz za traženo dostavio ovjerenu kopiju Diplome broj: 408/2015 za Gadžo Nihadu, magistra arhitekture-diplomiranog inženjera arhitekture kao i ovjerenu kopiju Uvjerenja o položenom stručnom ispitu za Gadžo Nihadu, magistra arhitekture-diplomiranog inženjera arhitekture.

Obzirom da je TD kao jedan od uslova bio postavljen i taj da dipl ing. arhitekture ili njegov ekvivalent po Bolonjskom sistemu studiranja ima i 5 godina radnog iskustva, Komisija za javne nabavke konstatuje da postavljeni uslov ponuđač "Studio dva" d.o.o. Sarajevo nije ispunio, iz razloga što ukupni radni staž prikazan na dostavljenom dokumentu-Listi osiguranih lica za obveznika broj: 13-9/3-12-45-2953/21 A.K. od 26.04.2021. godine u Ponudi ponuđača (strana 17. Ponude) iznosi 3 (tri) godine i 9 (devet) mjeseci i manji je od zahtjeva koji je ugovorni organ postavio u TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Radis" d.o.o. Istočno Sarajevo,
- "RMK engineering" d.o.o Sarajevo i
- "Geopot" d.o.o Banja Luka

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za

preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Geopot" d.o.o Banja Luka	2.730,00	3.194,10
2	"Radis" d.o.o. Istočno Sarajevo	2.990,00	3.498,30
3	"RMK engineering" d.o.o Sarajevo	3.000,00	3.510,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Geopot" d.o.o Banja Luka, za pružanje usluge izrade Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, kao prvoplasiranom na Rang listi, sa ponuđenom ukupnom cijenom nabavke u iznosu od 2.730,00 KM bez uračunatog PDV-a, odnosno 3.194,10 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "FM inženjering" d.o.o. Sarajevo
2. "Radis" d.o.o. Istočno Sarajevo
3. "RMK engineering" d.o.o. Sarajevo
4. "Geopot" d.o.o. Banja Luka
5. "Studio dva" d.o.o. Sarajevo
6. Nadležnoj Službi
7. U dosije
8. a/a

033/872-769  
057/343-136  
info@rmk.ba  
051/461-922  
info@dva.ba



OPĆINSKI NAČELNIK

*Edin Smajić*  
Edin Smajić